

DE AVIBVS, IN ALIMENTARIVM VSVM VENIENTIBVS.

Cap. V.

Pavo.

PAVO in Gallias peregrinis regionibus ad-
vectus est; perinde ac gallus & gallina Indi-
ca. Eorum alii sunt albi, aut variâ colorum ele-
gantiâ, & admirandæ naturæ artificio insigne.
Rarus illorum usus, & oculorum pascendorum
gratiâ potius quam corporis, aluntur. Carnem
habent delicatissimam, saporisque gratissimi:
nec hac in parte gallo Indico cedunt. Inter ce-
teras eorum facultates, notanda excremento-
rum proprietas, ad vertigines curandas: Ex-
crementum illud exiccatum & pulverisatum,
dragmæ unius pondere, vino albo exceptum in
plures dies manè propinatur.

*Remedium
ad vertigi-
nem.*

*Gallus In-
dicus.*

GALLUS Indicus, cum integrum annum attigit,
perinde ut capo delicatissimus est: Elixatur vel
assatur: at assus magis commendatur. Estate &
pulli quoque tosti apponuntur. Cibus est optimus,
delicatus, savorissimi savoris & laudabilis
alimenti: qui facile in ventriculo concoquitur;
optimi sanguinis ac senninis copiam gignens.
Præterea is bonitate sua & nutriendi vi, facile
omnes superat alios cibos.

*Anser do-
mesticus.*

ANSER domesticus familiarissimus per totam
Galliam & nostram præsertim Vasconiam. De-
licatus eorum cibus, præsertim si bene saginati
fue-

fuerint. Diffecantur apud nos per medium & sole conditi affervantur usui per annum. In dictorum mensis, ubi per triduum salem suum imbibent, apponuntur asisi, vel integræ, vel etiam membratim, frequentius tamen elixi cum sinapi: Quod nonnullis annua manna, vel multorum annorum annona dicitur. In plures enim annos sic & si seruantur, adeò ut rancecant: quorum rancidorū vel frustulum tantum cum brasica coctū, albam juscum, densum & optimum concinnat, rusticis delicatissimum, & quotidianum alimentum.

Anserculi verno tempore, aut æstatis initio assantur, & optimis herbis farcti apponuntur in cibum savorissimum, præsertim si pinguiores fuerint. Seorsim eorum collum, caput, pedes, & alarum extremitates, jecur, cor, & guttur, quæ parva vulgo occa dicuntur, elixantur, & ex aceto & petrofelinò eduntur; qui cibus delicatus, appetitum excitat. Anseris excrementum, verno tempore collectum, siccatum & pulverisatum, & cum vino albo ad dragmam unam, vel dimidiā tantum, datum, auriginosum seu regium morbum penitus tollit: cuius rei veritas contra item, experientia saepissime confirmavit. Pin. Herum.

Medicamentum contra item.

Encomista
anseris.

guedo anserum perinde ac gallinarum anatumque, anodynū est medicamentum extrinsecus illūtum. Hac item ungventorum & emplastrorum emollientium & lenientium compositionem ingreditur. Denique omnis anseris vel particula tam interna vel externa, aliquem in vita communaj usum habet: cuius plumæ etiam penæque tantæ sunt utilitatis, ut ad nocturnam

B b 4

quies

quietem homini non solum inserviant, sed literis quoque pingendis scribendiisque, in æternam mulierum memoriam ac laudem, aptissimæ sint.

Commonis est loquendi formula apud Gallos, *Quoniam apprestet de la volaille*: qua voce intelligentur gallinæ, pulli gallinacei, capones, & similia; familiaris enim horum usus in Gallia est: siquidem eiusmodi carnes salubres & temperate, laudabilem generant sanguinem, & vires robustant; quæ variis modis, elixæ, assæ, incrustatæ, vel aliter in usum adaptantur.

Gallina.

Gallina Februario mense elixa, nec non pulli adhuc implames, delicioribus mensis offeruntur: pulli vero paulò adultiores post festum Paschatis. At qui Gallis dicuntur *Eftoudeaux* tempore mensis Augusti & Septembbris, cum omphacio, assati apponuntur.

Capones.

Capones omnibus annis temporibus, aut elixi atque assi in cibi usum veniunt. Utilitas harum carnium ad morborum curationem inde patet, quod ex iis expressa caponum, restaurantia, consummata, gelatinæ cum pedibus aut poplitibus vulgaris in ægrorum usum parentur: optimè enim nutriunt & facilime concoquuntur. Tunicae etiam ventriculorum gallinaceorum extractæ, vieno lora, & ad Solem siccatae & pulverisatae, singulariter vim habent, tuin corroborandi ventriculum, tum calculum comminuendi. Ex decrepito gallo, additis baglossa, borragine, capparibus, & modico folliculorum sennæ, coquitur jucundum solutivum pro iis, qui à potionibus

*Homœdium
ad ventri-
cum debi-
dem Gallus
decrepitus.*

bus medicis abhorrent, & melancholicis affectibus sunt obnoxii.

Columbae, boni sunt nutrimenti, ac laudabilis generant sanguinem, & nativum ventriculi calorem fovent: ob quam causam senibus maxime proflunt, omnibusque iis, qui pituitosis & frigidis affectibus infestantur.

Præter vim illam nutriendi optimam, quæ pollutæ columbae, remedia quoque non vulgaria ex iisdem sumantur. Sanguis enim illarum calidus, venarum sub ali's sectione exiliens, oculis immixtus, illorum dolores mitigat, contusiones ac *εὐχυμάτως* curat, omnemque sanguinem in illis concretum discutit. Vivæ etiam per medium dissectæ, & vertici capitis, aut sincipi-
ti raso, sanguine adhuc calente applicatae, sym-
promatum vehementiam in phreniticis lenient: *contra*
bilioſas exhalationes atque vapores, unde causa *phreniti-*
morbi dependet, consumendo, atque discutien-
do. Stercus earum cataplasmatum & emplastro-
rum compositioni ſæpe additur ad apoplepticos
& lethargicos affectus, quibus nitroſa illius vis
plurimum confert.

Perdix post messem, inter omnes alios cibos, *Perdis.*
cùm sanis tūta ægris exhibendos, cuiuscunque facultatis aut bonitatis fuerint, facile primas te-
net: optimi succi, facilisq; concoctionis, ex cu-
jus diuturniori uſu, ventriculus ab omni vin-
dicatur corruptione. Vnde causa tollitur ana-
lepsia, quæ vitio ſtomachi aliâs oriri solet. Ni-

B b , dor

*Remedium
oculorum.*

Remedium
contra
phreniti-
dem.

Remedium dor plumarum adustarum, suffocationi matricis ad hysteri- (quæ catalepsia quædam est species) hysteri-
cos effectus. cinq; alijs affectibus, multum prodest: quod ex-
perientia sepius confirmavit.

Coturnices. Coturnices earumque pulli post messem pin-
guiores & delicatores, multiq; nutrimenti: at
usus illarum diutinior non usque adeo salubris
est: carnes liquide ob- invent corruptioni facile
obnoxias: unde febres, spasmus, & epilepsia, qui-
bus ipse coturnices quoque obnoxiae, excitantur.
Idcirco natura eas remedium docuisse vi-
detur: cum illis hellebori indidit appetitum, quo
abundè pascuntur.

Turures. Turures milio (ut mos est in Vasconia) sa-
ginatae optimi sunt nutrimenti, gratissimi sapo-
ris, & facilis concoctionis.

Turdus. Turdus, vindemiarum tempore, quo uvis ve-
scitur, impinguatus, delicatissimus quoq; & sapi-
dissimus est, saluberq; vietus tum sanis, tum æ-
gris: De cuius bonitate sic olim Poëta:

Inter aves Turdus, si quis me iudice certet,
Inter quadrupedes gloria prima lepus.

Ficellalarum magna copia in Provincia aut
Gallia Narbonensis, & Vasconia: propterea quod
hæ regiones sicutus constatæ, quibus illæ vescun-
tur: delectantur quidem etiam uvis, sed non ut
illis pingue scunt. Sic enim de illis Poëta:

Cum me Ficus alat, cum pascar dulibus urvi,
Cui potius nomen non dedit uva mihi?

In ditione Lugdunensi uvis repertur, Artu-
lanus dicta, pinguedine diffluens, & regius ci-
bus

Artulanus.

bus magnique pretii. Optima est vendemiarum tempore.

Alia turdi species, quæ Gallis *Grive* dicitur, *Grive.*
hyeme à montibus in planitiam devolat: juniperinis baccis vescitur, unde carnem delicatiorem acquirit. Cibus est Sabaudis & Helvetiis tunc temporis familiaris.

Merula vincitur à tardo bonitate, quod &c duram & amari saporis carnem obtineat. *Merula.*

Alaudæ, quæ in eo tractu, qui *la Beaulce* (Gallis) dicitur, pascunt, præ ceteris omnibus aliarum regionum optimæ sunt: & quo intensius frigus est, eò meliores & pinguiores habentur. *Alaudæ.*

Phasianus, à fluvio *Phasis* dicto, ubi id genus volucrum magnâ copiâ abundare conspicitur, (ut in fluvio nobis dicto *la Charente*, cygni ipsas aquas operire quasi cernuntur) in nostras regiones adiectus est: species est quædam galli gallinacei, aut caponis sylvestris & naturæ ferinæ, utcunque alimenti laudabilis: qui tamen omni bonitatis genere longè lateque à gelinita vulgo dicta, vincitur: assari vulgo solet.

Palumbes Liviæ, Gallis *bifets*, columbarum sylvestrium genus est. Differunt tantum magnitudine, quod palumbi maiores sint & carnoiores. Huiusmodi sylvestres palumbes, carne svari & delicata præditæ sunt, quæ copiosum generat sanguinem. Meliores sunt absque lardo, ac cum semiassantur tantum, & lardo incenso inflammantur, & succo granatorum vel aureorum malorum perfunduntur. *Palumbes.*
Bifets.

Rusti-

Rusticula.

Rusticula, Beccasse Gallis, in delitiis quidem esse solet: attamen caro ejus dura, viscosa, & concoctu difficultis, crassiorem succum ingenerat. Ejus inferiores partes, contra aliarum avium morem (quarum aliae magis commendantur) hoc est, coxae, avidius appetuntur a catilioniibus hominibus. Ex avium illarum numero est, quae dum assuntur, non eviscerantur: cum ipsa intestina, crusta panis tosti excepta, aliis partibus sint sapidiora ac gratiiora.

*Anseres
anas, flumi-
stiles.*

Anseris & anatis fluviatilis in genere caro, non æquat aliarum avium montanarum ac sylvestrium bonitatem: propterea quod mucosa & spuma, corruptioniq; obnoxia, ac sanguinem crassum, melancholicum ve generat.

*Rusticula
minor.*

*Querque-
dula, Galli-
na aquati-
ca.*

Rusticula minor, Querquedula, & Gallina aquatica, pinguisimæ sunt hÿeme aves, suaves & gratissimi saporis, quæ tamen utcunque paludem redolent, crassiorisque sunt succi, quam palustres aliæ. Commendantur tamen, mensis nobilium suo tempore appositæ: quarum usus rarus, nec vulgaris aut quotidianus est.

Et hæc de carnium quadrupedum & avium differentiis sufficiant: qui plura de avibus volent, consulat librum meum 6. Magni Mundi speculi.



DE